



Broj: JN1-16-8-36999-6/24
Sarajevo, 15. 11. 2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za nabavke utvrđenog u Zapisniku broj: JN1-16-8-36999-5/24 od 08.11.2024. godine, u postupku nabavke biometrijske opreme za potrebe Ministarstva inostranih poslova BiH, **donosim:**

ODLUKU
o izboru najpovoljnijeg ponuđača

Ponuđač „Elur“ d.o.o. Kiseljak sa ponudom zaprimljenom kod ugovornog organa dana, 04.11.2024. godine pod brojem: 09/2-16-8-36999-3/24, proglašava se najpovoljniji, te se imenovanom ponuđaču dodjeljuje ugovor za nabavku biometrijske opreme - uređaja za uzimanje potpisa za potrebe Ministarstva inostranih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14, 59/22 i 50/24).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak nabavke pokrenut je Odlukom o pokretanju postupka broj: 09/2-16-8-36999-1/24 od 23.10.2024. godine, u kojoj je predviđeno da procijenjena vrijednost nabavke iznosi 6.700,00 KM bez PDV-a.

Obavještenje o nabavci broj: 253-7-1-37-3-65/24, objavljeno je na Portalu javnih nabavki dana 29.10.2024. godine, kao i u „Službenom glasniku BiH“, broj: 73/24 od 01.11.2024. godine.

Nabavka je provedena putem konkurentskog zahtjeva za dostavljanje ponuda i istom je predviđeno provođenje e-Aukcije.

Komisija je Zapisnikom o pregledu i ocijeni ponuda za izbor najpovoljnijeg ponuđača za nabavku biometrijske opreme za potrebe Ministarstva inostranih poslova BiH, broj: JN1-16-8-36999-5/24 od 08.11.2024. godine, konstatovala da je do roka prijema ponuda, 08.11.2024. godine, pristigla ponuda sljedećeg ponuđača:

1. „Elur“ d.o.o. Kiseljak, dana, 04.11.2024. godine u 09:50 časova, sa ukupnom cijenom ponude u iznosu od 7.827,30 KM, odnosno u iznosu od 6.690,00 KM bez PDV-a.

Nije bilo neblagovremeno pristiglih ponuda.

Analizom dokumentacije pristigle ponude, te suštinskom provjerom sadržaja i validnosti iste, Komisija je utvrdila da navedena ponuda ispunjava formalno-pravne, ekonomske i tehničke uslove tenderske dokumentacije, te je ista prihvatljiva i može biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Tačkom 2.5.1. tenderske dokumentacije propisani kriterij za dodjelu ugovora je bio „najniža cijena“.

Komisija je u skladu sa članom 5.4 tenderske dokumentacije, izvršila provjeru računske ispravnosti pristigle ponude i utvrdila da ista nije imala računskih grešaka.

S obzirom da je pristigla samo jedna prihvatljiva ponuda, Komisija je konstatovala da se u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23), ista ne može zakazati, iako je bila propisana tačkom 2.6.1. tenderske dokumentacije.

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku biometrijske opreme - uređaja za uzimanje potpisa za potrebe Ministarstva inostranih poslova BiH dodjeli ponuđaču **„Elur“ d.o.o. Kiseljak sa ukupnom cijenom ponude u iznosu od 6.690,00 KM bez PDV-a.**

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

MINISTAR

Elmedin Konaković

Konaković

DOSTAVITI:

1. Ponuđaču,
2. Odsjeku za opšte poslove, arhiv i dokumentaciju i
3. Evidenciji a/a.

